

3 San Juan

Gaji carta gojañumi daja Ñu. Gayo iġu ôaro iirare wereñumi

¹Yuhũ bũgũ mure Gayore diaye ta yũ mahiġure ipũre gojabeoa.

²Yũ mahiġũ, mũhũ Goãmure ôaro umupeocũ masia yuhũ. Mũhũ Goãmũ mera ôaro árĩro dopa ta mũ dũpũ sã ôaro árĩcũ serēbasaa yuhũ Goãmure. ³Gajirã Jesucristo yarã yũ pohro erarã mũ árĩricũre yure wereama. Cristo gamerire diaye mũ iirare wereama erã yure. Erã eropa werecũ peegũ bũrigã mucubiriabũ yuhũ. ⁴Jesucristo yarã yũ buhenirã Jesucristo yare diaye ta árĩrĩre erã iicũ pee bũrigã mucubiria yuhũ.

⁵Yũ mahiġũ, mũhũ Jesucristo yarãre itamugũ ôaro iiaa mũhũ. Jesucristo yarã mũ ĩha masibirã sãre itamugũ ôatariaro iiaa. ⁶Erãpũ erãre mũ umupeorare wereama ġũare Jesucristo yarã gamenererogue. Eropiġũ Goãmũ yare buhe curirãre mũ pohrogue erarã erã gajipũ wacũ itamuque erãre. Mũ eropa iigũ ôaro iigũ árĩġuca mũhũ. Eropa ta marire itamuro gahmea Goãmũ yare buherãre. ⁷Erã Jesucristo ya árĩburire buhe curirã warã, Jesucristore umupeobirãpũre erã itamurire ne serēbeama. ⁸Eropirã marire Jesucristo yare buhe curirãre itamuro gahmea. Erãre eropa itamurã erã iiro dopa ta mari sã Goãmũ yare buherire itamurã iiaa.

Diotrefe iġu ñero iira āhrra

⁹Eoãmũ yare buhe curirãre mũ pohrogue erarã erã gajipũ wacũ itamuque erãre. Mũ eropa ro majarãre Jesucristo yarãre yũ gojarapũre gojabeorabũ. Diotrefepũ iġũ basi erã opũ árĩdiagũ yũ wererare peediabiripũ. ¹⁰Eropiġũ mũa pohro yũ ejara pũhrũ iġũ iirare werepehogũra. ġũare ñero wereniġuipũ. Eropiġũ Jesucristo yare buhe curirãre bocatĩribiripũ. Gajirã ero árĩrã erãre bocatĩridiacũ gamebiripũ. Gajirãpũ erã buhe curirãre bocatĩricũ ĩha iġũ Diotrefe erã bocatĩrira waja erãre cohã wiupũ Jesucristo yarã gamenereri wihigũe.

¹¹Yũ mahirã, ñero iirãre ĩhacũbircãque. Ôaro iirãre ĩhacũque. Ôarire iirã Goãmũ yarã āhrrima. Ñerire iirã Goãmure masibeama.

Demetrio ĩgu õari iira āhraa

¹²Árĩpehrerã “Demetrio õagu āhrimi,” arĩma. Eropirã ĩgu iirire ĩarã õaro ĩgu iira árĩcũ masima masa. Gũa sã ĩgu õaro iirare eropa ta werea. Gũa werenĩguiripũ diaye árĩcũ masia mũa.

Ñũ weretura āhraa

¹³Mũare baja werediarabũ. Iirire gojasome. ¹⁴Merogã pũhrũ mũare ĩagũ wadiaca. Eropirã mari basi weretamurãca.

¹⁵Õaro árĩque mũhũ. Mari mera majarã Jesucristo yarã mũre õadorema. Ero majarã mari mera majarã sã õaporo. Iripẽta āhraa.